


BRONNTANAS AIRGID



Pictiúr: Radharc:

Teach na bpáistí, an t-uncail ag tabhairt airgid do Nóirín, Páid agus Bríd; píosa cúig phingin, píosa deich bpingin, píosa caoga pingin, punt, ag ceannach mílseán sa siopa, Páid ag cur a chuid airgid in oifig an phoist, bábóg le cur sa chiorcal cainte de réir mar a oireann.

Gníomhartha agus geáitsíocht a dhéanamh de réir mar a bhíonn gá leo.

CÉIM 1. CLOISTEÁIL AGUS AITHINT

Cuntas Reatha

Tháinig uncail na leanaí ar cuairt go dtí an teach. Thug sé bronntanas airgid do na leanaí. Bhí siad an-sásta leo féin.

Agallamh

NÓIRÍN: Féach! Thug m'uncail cúig phingin dom.

BRÍD: Ní cúig phingin é sin ach deich bpingin.

PÁID: Thug sé punt domsa.

BRÍD: Caoga pingin a fuair mise uaidh.

NÓIRÍN: Rachaimid go dtí an siopa chun mílseáin a cheannach.

BRÍD: Ba mhaith liomsa bábóg a cheannach.

PÁID: Cuirfidh mise mo chuid airgid in oifig an phoist.

CÉIM 2. AITHRIS

CÉIM 3. ATHRÁ Ó SPREAGTHAIGH

(a) Spreagthaigh shúl (mar atá i gCéim 1);

(b) Spreagthaigh chluas:

Tháinig duine éigin ar cuairt?

Céard a thug sé do na leanaí?

An raibh siad sásta ansin?

A "Nóirín", céard (cad) a thug d'uncail duit?

An cúig phingin é sin, a "Bhríd"?

Céard a thug sé duitse, a "Pháid"?

Cá mhéad a fuair tusa, a "Bhríd"?

Cá rachaidh sibh, a "Nóirín"?

Céard ba mhaith leatsa a cheannach, a "Bhríd"?

Céard a dhéanfaidh tusa, a "Pháid"?

CÉIM 4. CLEACHTADH MÚNLAI AGUS FOCLÓRA

1. *Tháinig sé go dtí an teach.*
(*gach lá, amárach, anois; ní, an?: amárach; níor, ar?: inné*).
2. Thug sé bronntanas airgid *do na leanai.*
(*mise, tusa, eisean, ise, sibh, Seán*).
3. Thug sé punt dom.
(*anois, amárach, gach lá; níor, ar?: Dé Domhnaigh seo caite; ní, an?: amárach*).
4. Caoga pingin a fuair mise *uidh.*
(*mise, ise, Seán, uncail*).

CÉIM 5. SAORCHOMHRÁ CRUTHAITHEACH

1. Aithris ar an mbunchomhrá.
2. An t-uncail ag tabhairt an airgid do na páistí.
3. Scéal a chumadh:
“*Chuaigh Páid go hoifig an phoist inné. Chuir sé airgead . . .*”

4. Dráma:

Cuairt na haintín; bronntanais éigin eile á dtabhairt aici do na páistí.

5. Comhrá faoin bpictiúr agus ceisteanna ó pháistí ar a chéile agus ar an múinteoir.

Rann Ceoil (An ceol ar théip)

I

Tháinig Uncail Pól inné,
Sa charr mór dubh a tháinig sé;
Thug sé punt do Pháid is Bhríd,
Agus síos chuig an siopa a chuaigh siad.

II

Cheannaigh Páid gunna agus téad,
Cheannaigh Bríd bábóg bheag dheas,
Fuair siad bronntanas beag do Mham
Is rith siad abhaile go sásta.